

## Xujun xi tjun kits'ínntu nda postru Jua

*B'i ts'ín tsakúya Jua yáha Éen*

<sup>1</sup> Tíb'enijmíhí xi tu b'a ts'ín jahá tíjña santa nkúhu nga tuts'ihín ni. Kinu'yái ntaha ko tukuin kiyakohoni. Kiyai ko ntsai kin'ekohoni. Kui xi Én xi ts'ínk'íéntu tík'un xuta.

<sup>2</sup> Y'ejña tík'un ajinní ko jin kiyai. Tíbixinya kixi ni xi kiyai ko tíb'enijmí xi tíjña tík'un sín, xi y'ejñajihín Ntía Na'miu ko xi jin kis'ejña chjini.

<sup>3</sup> Xi kiyai ko kinu'yái, kui xi ta tíb'enijmíhí ko jun, tu xi b'a ts'ín ko jun nkuhú kamakohoni. B'a ts'ín nkuhú kamangujinkaá Ntía Na'miu ko Jesucristo xi Ntíhi maha.

<sup>4</sup> Tíb'et'aihi ni xu'bi tu xi k'úé tsjo tsjohonu.

*B'i ts'ín tsakúya Jua nga ni xi n'eé bakúchji tsa kis'ejinná Ntíaná*

<sup>5</sup> Tsakúyani Jesucristo nga Ntíaná, kui xi nd'í xi ts'ín ndzjen ko ndahachí najmi tjín má jyun ajihín. Kui xi tíb'enijmíhí.

<sup>6</sup> Tsa b'a kuixíaán nga Ntíaná ts'ená ko tu sa má jyuuhún tintsuba ngáá, tich'anachaá ko najmi t'n'eé ni xi naxu tjín.

<sup>7</sup> Tunga tsa tintsubaá má ndzjeen xi nkú ts'ín tíjña Ntíaná má ndzjeen, b'a ts'ín nkuhú makaá xinkía ko jníhi Jesucristo xi Ntíhi Ntíaná ts'ín jená nga kjexínná ngayjee ngatitsunná.

<sup>8</sup> Tsa najmi tjiná ngatitsun kuixíaán, ta ñáha tích'anachahaá yjoná kō najmi tijnájiná ni xi naxu tjin.

<sup>9</sup> Tsa n'ekié yjoná nga tjiná ngatitsun, ts'índyjat'aná ngatitsunná Ntíaná kō ts'ín jená nga kjéxinná ngayjee ni xi tjintujinná xi najmi naxu nginkun. B'a ts'ín at'aha ja kitsjá éhen nga b'a ts'ín kō ts'ín ni xi naxu tjin.

<sup>10</sup> Tsa najmi tjiná ngatitsun kuixíaán, tíya tsank'áá Ntíaná kō najmi tijnájin animaná éhen.

## 2

<sup>1</sup> Jun ntína, tít'et'anuu ni xu'bi tu xi najmi n'ehenu ngatitsun. Tunga tsa tjin xi ts'ín tjen'yún ngatitsun, tijnána xi kuinchjantjainá nginkun Ntia Nā'miu, kui xi Jesucristo xi naxu ts'ín.

<sup>2</sup> Kui xi kitsjá yjohō xi nkúhu chje tu xi n'endyjat'ahaná ngatitsunná ñá xi ja kis'ejinná. Kō najmi tu suba ngatitsunná kits'índyjat'a, kō ní ngatitsuhun ngayjee xuta xi tjin asunntee.

<sup>3</sup> Tsa tít'etjusaán ni xi y'éjña Ntíaná, b'a ts'ín yahaná nga ja yaá Ntíaná.

<sup>4</sup> Tsa tjin xi: “An be” kuitsu, tunga tu sa najmi ts'íntjusuhún ngá ni xi y'éjña, kui xi nda tsank'á. Najmi tijnájin animaha ni xi naxu tjin.

<sup>5</sup> Tunga xi ts'íntjusun éhen, kjuxi nga kui xi ts'íntjo Ntíaná xi nkú nga ts'ín tjihin nga ts'íntjo. Nk'ie nga b'a n'e bintsubaá, b'a n'e yahaná nga tintsubajihín.

<sup>6</sup> Xi tijnájin ni xi ts'e Ntíaná kuitsu, kui xi xi nkú ts'ín y'éjña Jesucristo, b'a ts'ín tjihin nga k'úejña.

*B'i ts'ín tibatéxumaha Jua xuta ninku*

<sup>7</sup> Já nts'ena, ni xi tíb'et'ánuu nd'ai, najmi as'ai tíb'ejñahá Ntíaná. Kjuatéxuma chá xi kin'ekjas'en nínuu santaha nga tuts'ihin ni títet'ánuu. Kui kjuatéxuma chá xu'bi, kui éhen xi ja kinu'yó nk'ie.

<sup>8</sup> Tunga xi nkú ts'ín y'ejña Jesucristo ko xi nkú ts'ín tintsuoo b'éjña chji nku ni tsetse xi y'aha ra ni xi y'ejña Ntíaná. Kui ni xi tíb'et'ánuu ei at'aha ja j'ai ts'ín ndzjen nd'í xi ndoo. Kui nga ja tífi ndyjaha má jyuun.

<sup>9</sup> Xi b'a kuitsu nga má ndzjeen síjña tunga tu sa unkiehé ngá nda nts'e, kui xi má jyuun síjñajin sa.

<sup>10</sup> Xi tjoho nda nts'e, kui xi má ndzjeen síjña tehente, má nga najmi tjín ni xi ts'ínkijnejihin ngatitsun.

<sup>11</sup> Tunga xi unkie nda nts'e, kui xi má jyuun síjña ko yo tsú'ba ko najmi be má xi tjehen tífi, at'aha ja kits'ínkahá má jyuun.

<sup>12</sup> Jun ntína, títs'inntúnuu at'aha tu ngat'aha ni xi kits'ín Jesucristo kin'endyjat'ahanuu ngatit-sunuu.

<sup>13</sup> Ko jun xi tí'minuu na'mi, títs'inntúnuu at'aha ja yo xi tu b'a ts'ín jahá tíjña santaha nga tuts'ihin ni. Ko jun xi tí'minuu já asti, títs'inntúnuu at'aha kin'e nganohoo ndanindoo.

<sup>14</sup> Jun ntína, ja kuats'inntúnuu at'aha ja yo Ntía Na'miu. Ko jun xi tí'minuu na'mi, ja kuats'inntúnuu at'aha ja yo xi tu b'a ts'ín jahá tíjña santaha nga tuts'ihin ni. Ko jun xi tí'minuu já asti, ja kuats'inntúnuu at'aha tjinnuu nga'yún ko tíjñajin tehente animanuu éhen Ntíaná ko at'aha ja kin'e nganohoo ndanindoo.

<sup>15</sup> Najmi tu n'etjó asunntee ko ta ndaha ni xi tsjá asunntee. Tsa tjín xi tjoho asunntee, kui xi najmi

tjohō Nt̄iā Na'miū.

<sup>16</sup> At'ahā ngayjee ni xi tsjá asuntee najmi má t̄jñā Nt̄iā Na'miū nibáha ra. Asuntee ní nibáha ra. Yo nibáha ra nga nchjaha animaha xuta ni xi t̄jín kō nga mjehe ts'íints'e ni xi fásihin kō nga nk'a b'asje yjohō ngat'ahā ni xi t̄jihin.

<sup>17</sup> Ja tife n̄istjihin asuntee kō ni xi nchjaha animaha xuta, tunga máha xi t̄íts'ín xi nkú ts'ín mjehe Nt̄ianá, kui xi k'úéjñā sín.

*B'i ts'ín tsakúya Jua nga chúhuún yjoná já xi fi kontraha Jesucristo*

<sup>18</sup> Jun nt̄ina, ja n̄istjin xi fekuu tintsubaá nd'ai. Ja kik'inyanu nga t̄jihin nga kj'uaí xi ngjuai kontraha xi kits'ín nibá Nt̄ianá, kō xi nkú kik'innu b'a ts'ín nd'ai ja t̄incha f'ai nkjún já kontraha Jesucristo. Kui nga mankjihinná nga ja tinchaján n̄istjin xi fekuu.

<sup>19</sup> Kui xi incha tsitjújinni ei, tunga najmi já ts'ajihín niu. At'ahā tsa já ts'ajin niu, najmi incha ngji t'axín ra kai. Tunga incha tsitjuhú tu xi b'a ts'ín kiya chji chjihi nga t̄jín xi najmi jin makonj.

<sup>20</sup> Máha jun, Jesucristo kitsjánuu Espirituhu Nt̄ianá kō ngatentoō mankjinnuu ni xi naxu t̄jín.

<sup>21</sup> Tíb'et'á xujunnu at'ahā mankjinnuu ni xi naxu t̄jín. Najmi ngat'ahā tsa najmi mankjinnuu, at'ahā ní nga mankjinnuu, kui nga t̄ib'et'áhanuu. Kō mankjinnuu nga ndaha nku kjuatsank'á najmi nibáha ra ni xi naxu t̄jín.

<sup>22</sup> Xi najmi ts'ínkjáihin nga Jesu xi kits'ín nibá Nt̄ianá, kui xi nku ndā tsank'á. Kui xi ndā kontraha Jesucristo, at'ahā najmi ts'ínkjáihin nga Nt̄iā Na'miná xi Nt̄iā kō nga Jesucristo xi Nt̄ihi.

<sup>23</sup> Tu yáhá ni xi najmi ts'ínkjáih<sub>in</sub> nga Jesucristo xi Ntíh<sub>i</sub> Ntíáná, kui xi ta ndaha najmi tíjñajih<sub>in</sub> Ntía Na'miu. Tunga xi ts'ínkjáih<sub>in</sub> nga Jesucristo xi Ntíh<sub>i</sub> Ntíáná, kui xi ta tíjñajih<sub>in</sub> Ntía Na'miu.

<sup>24</sup> Kui b'a maha, t'ejñajin tehentehenu animanuu én xi kinu'yó santa nkúhu nga tuts'ih<sub>in</sub> ni. Tsa s'ejñajin tehente animanuu én xi kinu'yó santa nkúhu nga tuts'ih<sub>in</sub> ni, b'a ts'ín ko jun ta kuintsubajin tehentohoo Ntíu ko Ntía Na'miu.

<sup>25</sup> Nga kuintsuba tík'un síáán, kui nihi xi kitsúya tíjunná Jesucristo nga tsjáná.

<sup>26</sup> Tíb'et'ánuu ni xu'bi at'aha tjin xi mjehe k'uanachanu.

<sup>27</sup> Tunga máha jun, tíjñajin tehentenuu Espirituhu Ntíáná xi kitsjánuu Jesucristo. Najmi machjéhen tsa tjin xi kuakúyanuu, at'aha ta kuihi Espiritu bakúyayjenuu. Ni xi naxu tjin bakúyanuu, najmi ni tsank'á. Kui nga xi nkú ts'ín tsakúyahanuu Espiritu, b'a n'e tintsuabajin tehentehe ruu Jesucristo.

<sup>28</sup> Kui b'a maha nd'ai, ntína, tintsuabajin tehentehe ruu Jesucristo, tu xi najmi jo jan kamahaná nk'ie nga kuakúchji yjoho ko najmi kama subaná nginkun nk'ie nga kj'uaí.

<sup>29</sup> Yo nga naxu ts'ín Jesucristo. Kui nga ta tjihin nga chahanu nga ngayjee xuta xi ts'ín ni xi naxu, kui xi kitsjáha Ntíáná nga ntíh<sub>i</sub> kama.

### 3

*B'i ts'ín tsakúya Jua nga ntíh<sub>i</sub> Ntíáná kits'ín maná*

<sup>1</sup> Chasoo xi nkú ts'ín tjo ts'atíh<sub>i</sub> ñá Ntía Na'miná, nga santaha ntíh<sub>i</sub> Ntíáná 'miná. Ko kjuaxi nga

ntíhí Ntíáná ñá. Kui kjuáha nga najmi behená xuta asuntee, at'aha najmi be Ntíáná.

<sup>2</sup> Jun já nts'ena, ñá xi ntíhí Ntíáná nd'ai. Ko ndaha tsa najmi kjee yaá nkú k'úéntáá askahan, tunga yanáá nga b'a k'úéntáá xi nkúhu Jesucristo nk'ie nga kj'uaíkúchji yjoho, at'aha chá sisián xi nkú tjin.

<sup>3</sup> Ko ngatentee xi b'a ts'ín tíkuyáha Jesucristo, kui xi títs'ín nga tín'e je nginkun Ntíáná. B'a tí'be xi nkú ts'ín je Jesucristo.

<sup>4</sup> Tu yáha ni xi títs'ín ngatitsun, kui xi títangane kjuatéxumaha Ntíáná. Nk'ie nga biyuné kjuatéxumaha Ntíáná, kui ni xi ngatitsuun.

<sup>5</sup> Ja yo nga j'aikúchji yjoho Jesucristo tu xi j'aikjexihin ngatitsunná. Ndaha nku ngatitsun najmi kis'ehe.

<sup>6</sup> Kui b'a maha, ngayjee xi tíñajin tehentehe ra Jesucristo najmi ts'ín ngatitsun. Tunga ngayjee xi títs'ín ngatitsun, najmi kjee be Jesucristo ko ta ndaha najmi kjee mankjihin yáha kui.

<sup>7</sup> Jun ntína, najmi tu ch'a xi k'uanachanu. Xi ts'ín ni xi naxu tjin, kui xi naxu nginkun Ntíáná xi nkú ts'ín naxu Jesucristo.

<sup>8</sup> Tunga xi ts'ín ngatitsun, kui xi ndanindoo ts'ehe, at'aha ndanindoo kits'ín ngatitsun santaha nkúhu nga tuts'ihin ni. Kui kjuáha nga j'aikúchjiji yjoho Ntíhí Ntíáná, tu xi ts'íinndyja xáha ndanindoo.

<sup>9</sup> Ngayjee xi Ntíáná kitsjáha nga kama ntíhí najmi nkaha ts'ín ngatitsun, at'aha kjuatik'uhun Ntíáná tíñajihin. Najmi nkaha ts'ín ngatitsun, at'aha Ntíáná kitsjáha nga kama ntíhí.

10 B'a ts'ín s'ejña chjihi yá xi ntíhi Ntíaná ko yá xi ntíhi ndanindoo. Tu yáhá ni xi najmi naxu ts'ín ko a ra najmi tjoho nts'e, kui xi najmi Ntíaná ts'ehe.

*B'i ts'ín tsakúya Jua nga n'etjáá xinkjá*

11 Nga tjihin nga b'i ngjáán n'etjáá xinkjá, b'a tsu én xi kinu'yó santaha nkúhu nga tuts'ihin ni.

12 Najmi b'aha tu n'eé xi nkúhu Cain. Kui xi ndanindoo ts'ehe. Kui nga kits'ínk'iehen nda nts'e. ¿Á kits'ínk'iehen? Kits'ínk'ien at'aha naxu ni xi kits'ín nda nts'e ko máha kui, ch'on kits'ín.

13 Jun já nts'ena, najmi tu ma nkjúnnyu tsa ts'ín unkiennyu xuta asuntee.

14 Ja yaá ñá nga tsitjuján ajihin ngabayoo ko nga kuintsuba tík'aán nginkun Ntíaná. Yaá ni xu'bi at'aha tjoná já nts'eé. Xi najmi tjihin kjuatjo, kui xi tíñajin sa ngabayoo.

15 Ngayjee xi unkie nda nts'e, ndats'ínk'ien animahá xu'bo, ko ja yo nga nku ndats'ínk'ien animá najmi tíñajin kjuatik'un sín.

16 Yaá ni xi 'mihí kjuatjo at'aha Jesucristo kits'ínkjas'en yjoho ngandaná. B'a ta ts'ín ko ñá tjihin nga n'ekjas'eén yjoná ngandaha já nts'eé.

17 Tsa nku ndanchiná tíbe nga ndyat'aha nda nts'e ni xi machjéhen tunga najmi kama nimahá ra, ¿a tíñajin kjuatjoho Ntíaná animaha?

18 Jun ntína, najmi tu suba ényu xi b'a kuitsu nga tjínyu kjuatjo nga chubo. Tu sa ní ni xi katakúchji nga tjínyu kjuatjo n'oo.

19 Yaá nga ajihin ni xi naxu tintsubaján ko najmi jo jan maná nk'ie nga tintsubaá nginkun Ntíaná.

20 Kui nga ndaha tsa an<sub>i</sub>maná b'a tít<sub>s</sub>u nga t<sub>j</sub>ínná jé, t<sub>u</sub>nga 'yúhún chánka sa Nt<sub>i</sub>aná nga an<sub>i</sub>maná k<sub>o</sub> kui xi beyjená.

21 Jun já nts'ena, tsa najmi chumi nihi xi tít<sub>s</sub>'ínnijéná an<sub>i</sub>maná, najmi jo jan maná nga tinchaá nginkun Nt<sub>i</sub>aná,

22 k<sub>o</sub> kui tsjáná ngayjee ni xi ku<sub>i</sub>nchíhí, at'aha t<sub>i</sub>n'etjusaán ni xi y'éjña k<sub>o</sub> t<sub>i</sub>n'eé ni xi sasíhín.

23 Nga n'e s'ejían Jesucristo xi Nt<sub>i</sub>hí maha k<sub>o</sub> nga b'i ngján n'etjáá xinkíá xi nkú ts'ín y'éjña, kui xi k<sub>u</sub>atéxumaha Nt<sub>i</sub>aná.

24 Xi tít<sub>s</sub>'íntjusun xi nkú ts'ín y'éjña, kui xi t<sub>j</sub>íñajin tehente Nt<sub>i</sub>aná k<sub>o</sub> Nt<sub>i</sub>aná t<sub>j</sub>íñajin tehentehe xuta xu'bo. K<sub>o</sub> ngat'aha Espiritu xi kitsjáná, b'a ta n'e yahaná nga kui t<sub>j</sub>íñajin tehenténá.

## 4

### *B'i ts'ín tsakúya Jua má xi kui Espirituhu Nt<sub>i</sub>aná*

1 Jun já nts'ena, najmi t<sub>u</sub> n'e s'ejíun ngatentee xi b'a ku<sub>i</sub>tsunuu nga Espirituhu Nt<sub>i</sub>aná tít<sub>s</sub>'ín nga t<sub>i</sub>nchja. T<sub>u</sub> sa ní chase sisihuun xi nkú ku<sub>i</sub>tsu, t<sub>u</sub> xi b'a n'e chahanu tsa k<sub>u</sub>axi nga Espirituhu Nt<sub>i</sub>aná t<sub>j</sub>íñajihín a ra najmi. At'aha kitsej<sub>i</sub>hín asuntee já profeta tsank'á.

2 Xi b'a tsu nga yjoninte kik'a Jesucristo nga j'ai asunteej, kui niu xi ku<sub>ak</sub>úchjinuu nga kui xi t<sub>j</sub>íñajihín Espiritu xi ts'e Nt<sub>i</sub>aná.

3 K<sub>o</sub> xi najmi b'a tsu nga b'a ts'ín j'ai Jesucristo, kui xi najmi t<sub>j</sub>íñajihín Espirituhu Nt<sub>i</sub>aná. Espiritu ch'onk'un xi ts'e ní nda kontra<sub>h</sub>a Cristo t<sub>j</sub>íñajihín. Ja kinu'yó nga t<sub>j</sub>íhín nga k<sub>j</sub>'uáí xi ng<sub>u</sub>áí kontra<sub>h</sub>a xi kits'ín nibá Nt<sub>i</sub>aná. Kui ja t<sub>j</sub>íña asuntee nd'ai.



4 Jun ntíntíntína, Ntíaná ts'enüu ko ja kin'e nganohoo já profeta tsank'á xu'bo, at'aha xi tijnajinnuu 'yún tjin saha nga'yún nga xi tijnajihin xuta asuntee.

5 Kui já xu'bo xi xuta asuntee. Kui nga ni xi ts'e asuntee nchjanijmíyaha ko xuta asuntee basínñjuhu ni xi nchja.

6 Tunga máha jin, Ntíaná ts'eni. Xuta xi ja be Ntíaná, kui xi basínñjuni. Xuta xi najmi Ntíaná ts'ehe, kui xi najmi basínñjuni. B'a n'e chaha yá xi tijnajihin Espiritu xi tsuya ni xi naxu tjin ko yá xi tijnajihin jáninda xi b'anacha.

### *B'i ts'in tsakúya Jua mí nihi xi y'aha kjuatjoo*

7 Jun já nts'ena, b'i ngján n'etjáa xinkia, at'aha Ntíaná nibáha ra kjuatjoo ko ngayjee xi tihin kjuatjo, kui xi kitsjáha Ntíaná nga ntíhi kama ko kui xi be Ntíaná.

8 Xi najmi tihin kjuatjo, najmi kjee be Ntíaná, at'aha kjuatjohó Ntíaná.

9 B'i ts'in tsakúchjiná kjuatjoho Ntíaná. Kits'in nibá Ntí nku tutuhu asuntee, tu xi ngat'aha Ntíhi sakúhuná nga kuintsuba tik'aán.

10 ¿Mí nihi xi 'mihí kjuatjoo? Najmi tsa ná xi kin'etjáa Ntíaná. Kui ní xi kits'intjoná ko kits'in nibá Ntíhi tu xi ts'ínndyjat'aha ngatitsunná nk'ie nga kitsjá yjoho xi nkúhu chje. Kuihí ni xu'bi xi tsakúchji kjuatjoo.

11 Jun já nts'ena, tsa b'a ts'in kits'intjoná Ntíaná, kui nga ko ta ná ta tihin nga b'i ngján n'etjohoná xinkia.

12 Ndaha nku najmi kjee be nkú tjin Ntjaná, tunga tsa b'i ngján n'etjáá xinkíá, Ntjaná tíñajin tehentená kō kjuatjohō s'ejña chji kikjin ajinná.

13 Yaá nga tintsujajin tehenteheé Ntjaná kō nga kui tíñajin tehentená, at'aha kitsjáná Espirituhū.

14 Kō jin kiya kikjin kō tībixínyakixi nga Ntja Nā'miū kits'ín nibá Ntíhi tū xi ts'ínk'ankihi xutā xi tjin asuntee.

15 Tū yáhá ni xi ts'ínkjáihin nga Jesu xi Ntíhi Ntjaná, kui xi tíñajin tehente Ntjaná kō Ntjaná tíñajin tehentehe xutā xu'bo.

16 Mankjinná kō s'ejinná nga tjohō ñá Ntjaná. Ntjaná kui xi kjuatjo, kō xi tíñajin tehente kjuatjoo, kui xi tíñajin tehente Ntjaná kō Ntjaná tíñajin tehentehe xutā xu'bo.

17 B'a ts'ín s'ejña chji kikjihin kjuatjoo ajinná, tū xi najmi jo jan kamahaná nistjin nk'ie nga kuasehe Ntjaná mí nihi xi kits'ín nga nkúnkú xutā. At'aha xi nkú ts'ín y'ejña Jesucristo, b'a ts'ín tintsubaá asuntei.

18 Má nga tjin kjuatjo najmi tjin kjuabinkjun. Kjuatjo xi kui kikjin, kui xi m'osje kjuabinkjuun, at'aha xi tjen kjuaha, kui xi tsankjún. Kui b'a maha, xi tsankjúhun, kui xi najmi kjee tíñajihin kjuatjo xi kui kikjin.

19 Ñá tjoná Ntjaná at'aha Ntjaná tjun kits'intjoná.

20 Tsa tjin xi: “Tjona Ntjaná”, kuitsu kō tū sa unkiehé ngá nda nts'e, kui xi tīb'anacha. At'aha xi najmi tjohō nda nts'e xi tíma tibase'a, ¿nkú ts'ín ts'íntjohō Ntjaná nga najmi tíbe?

21 Xi tjohō Ntjaná tihin nga tā ts'íntjo nda nts'e. Kuihí kjuatéxuma xu'bi xi kin'ekjáin.

## 5

*B'i ts'ín tsakúya Jua ni xi ts'ín xi ntíhi Ntíaná*

<sup>1</sup> Ngayjee xi s'ejihin nga Jesu xi kits'ín nibá Ntíaná, kui xi kitsjáha Ntíaná nga ntíhi kama. Kō ngayjee xi tjohō Ntía Na'miná, kui xi tā tjohō ngayjee xi ntíhi Ntíaná.

<sup>2</sup> Nk'ie nga tjoná Ntíaná kō t́n'etjusaán ni xi y'éjña, ya chji chjiá nga tā tjoná ngayjee xi ntíhi Ntíaná.

<sup>3</sup> Nga n'etjáá Ntíaná, kui xi tsuhū rā nga n'etjusaán ni xi y'éjña. Kō najmi ch'á xi áí ni xi y'éjña Ntíaná,

<sup>4</sup> at'aha ngayjee xi ja ntíhi Ntíaná ts'ín nganaha asuntee. Kō ngat'aha nga s'ejinná Jesucristo, b'a ts'ín kin'e nganaha ráá asuntee.

<sup>5</sup> Xi s'ejihin nga Jesu xi Ntíhi Ntíaná, kui xi ts'ín nganaha asuntee.

*B'i ts'ín tsakúya Jua xi nkú ts'ín Ntíaná y'éjña chji Jesu*

<sup>6</sup> Ntánijua kō jní j'ai s'ejña chjhi Jesucristo. Najmi tū suba ntánijua, ntánijua ní kō jní. Kō Espirituhū Ntíaná tā tsuya kui ni, at'aha kjuaxi ni xi nchja Espiritu.

<sup>7</sup> Jan maha xi b'éjña chji yáha Jesucristo:

<sup>8</sup> Espirituhū Ntíaná, ntánijuo kō jníu. Nkuhú b'a incha tsu nga joon.

<sup>9</sup> Tsa n'ekjálhín én xi nchja xuta nga nchjanímyaha nku ni, tūnga yúhún chjíhi rā én xi nchja Ntíaná. Á 'yún chjíhi rā, at'aha Ntíaná xi kinchja nga y'éjña chji Ntíhi.

<sup>10</sup> Xi s'ejihin Ntíhi Ntíaná, kui xi animaha tíñajihin én xi kinchja Ntíaná nga y'éjña chji Ntíhi.

Tunga xi najmi s'ejih<sub>in</sub> Nt<sub>ianá</sub>, kui xi tibe tsank'á, at'aha najmi s'ejih<sub>in</sub> én xi kinchja Nt<sub>ianá</sub> nga y'éjña chji Nt<sub>íhi</sub>.

<sup>11</sup> Nga kitsjáná nga ku<sub>intsu</sub>ba t<sub>ik'un</sub> síaán ko nga Nt<sub>íhi</sub> sakújinná kjuat<sub>ik'un</sub> xu'bj, kui én xu'bj xi kinchja Nt<sub>ianá</sub>.

<sup>12</sup> Xi tíjñajih<sub>in</sub> Nt<sub>íhi</sub> Nt<sub>ianá</sub>, kui xi tíjñaha kjuat<sub>ik'un</sub>. Tunga xi najmi tíjñajih<sub>in</sub> Nt<sub>íhi</sub> Nt<sub>ianá</sub>, kui xi najmi tíjñaha kjuat<sub>ik'un</sub>.

*B'i ts'ín kits'ínkje Jua xujuin*

<sup>13</sup> Kuak'iet'án<sub>uu</sub> ni xu'bj, jun xi s'ejinn<sub>uu</sub> Nt<sub>íhi</sub> Nt<sub>ianá</sub>, tu xi cháhanu nga tíjñan<sub>uu</sub> kjuat<sub>ik'un</sub> xu'bj ko ku<sub>intsu</sub>ba t<sub>ik'un</sub> síún.

<sup>14</sup> Ma'yúnk'aán Nt<sub>ianá</sub>, at'aha yaá tsa ku<sub>inchi</sub>h<sub>íhi</sub> xi nkú ts'ín mjehe nga ku<sub>inchi</sub>h<sub>íhi</sub>, kuasínñjuná.

<sup>15</sup> Ko xi nkú ts'ín yaá nga Nt<sub>ianá</sub> basínñjuh<sub>u</sub> tu mí nihí ni xi binchih<sub>íhi</sub>, b'a ta ts'ín yaá nga ja n'ekjáih<sub>íhi</sub> ni xi kuakinchih<sub>íhi</sub>.

<sup>16</sup> Tsa tjín xi tibe nga ngatitsun títs'ín nda nts'e, ko tsa ngatitsun xi títs'ín najmi ngabaya tjehe<sub>n</sub> ra, nk'ie nga ku<sub>inchi</sub>jako Nt<sub>ianá</sub> kanchjantjai ko Nt<sub>ianá</sub> tsjá ngáha ra nda nts'e nga k'úéjña t<sub>ik'un</sub>. Ngatitsun xi najmi tjehe<sub>n</sub> ra ngabaya t<sub>inchi</sub>jani<sub>miyahana</sub>. At'aha tjín ngatitsun xi tjehe<sub>n</sub> ra ngabaya. Najmi t<sub>ibankia</sub> nga chubantjo xi ts'ín ngatitsun xu'bo.

<sup>17</sup> Ngayjee ni xi najmi nda xi ts'ín xuta, kui xi ngatitsun, tunga tjíh<sub>in</sub> ngatitsun xi najmi tjehe<sub>n</sub> ra ngabaya.

<sup>18</sup> Yaá nga xi kitsjáha Nt<sub>ianá</sub> nga kama nt<sub>íhi</sub> najmi nkaha nga ts'ín ngatitsun, at'aha Nt<sub>íhi</sub> Nt<sub>ianá</sub> kuhun xuta xu'bo ko najmi ts'ínkoh<sub>o</sub> ndanindo<sub>o</sub>.

19 Kō yaá nga Nt̄ianá ts'ená kō nga ndanindoo batéxumaha ngayjee asuntee.

20 Kō t̄a yaá nga j'ai Nt̄ih̄i Nt̄ianá kō kitsjáná kjuankjintak'un t̄u xi chahaná Nt̄ia xi nku tutuu. Tintsubajih̄in xi nku tutuu, kui xi Jesucristo Nt̄ih̄i Nt̄ianá. Kuih̄i xi Nt̄ia xi nku tutuu kō kui xi tsjáha nga k'úéentu t̄ik'un s̄in xuta.

21 Jun nt̄ina, t̄iyú t'axih̄un nt̄ia xi xuta ts'ínnda.

**Éhen Ntíaná**  
**New Testament in Mazatec, Jalapa de Díaz**  
**(MX:maj:Mazatec, Jalapa de Díaz)**

copyright © 2013 Wycliffe Bible Translators, Inc.

Language: Mazatec, Jalapa de Díaz

Translation by: Wycliffe Bible Translators, Inc.

Mazateco, Jalapa de Díaz [maj], Mexico

**Copyright Information**

© 2013, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Mazatec, Jalapa de Díaz

**© 2013, Wycliffe Bible Translators, Inc.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

---

PDF generated using Haiola and XeLaTeX on 18 Apr 2025 from source files  
dated 29 Jan 2022  
e05183c2-7c34-5cdd-8c78-15ea51bd8cbb